

গণপ্রজাতন্ত্রী বাংলাদেশ সরকার
মৎস্য ও প্রাণিসম্পদ মন্ত্রণালয়
প্রাণিসম্পদ-৩ অধিশাখা
www.mofl.gov.bd



স্মারক নং-৩৩.০০.০০০০.১১৯.২৭.০১৩.২০-৩৩২

তারিখ: ২২ অগ্রহায়ণ ১৪২৭
০৭ ডিসেম্বর ২০২০

প্রজ্ঞাপন

যেহেতু, ডাঃ নিতাই চন্দ্র দাস (গ্রেডেশন নং-১৩৫৯), উপজেলা প্রাণিসম্পদ কর্মকর্তা, লীড, ডেপুটেশন এন্ড ট্রেনিং রিজার্ভ পদ, প্রাণিসম্পদ অধিদপ্তর, ঢাকা (বর্তমানে-সাময়িক বরখাস্তকৃত) গত ২৩/১০/২০২০ খ্রি: তারিখে সামাজিক যোগাযোগ মাধ্যম ফেইসবুক-এ তার ব্যক্তিগত একাউন্ট থেকে একজন কর্মকর্তার বদলিজনিত পদায়নের বিষয়ে উর্ধ্বতন কর্তৃপক্ষকে সমালোচনা করে নেতিবাচক স্ট্যাটাস দিয়েছেন; উক্ত স্ট্যাটাসের পক্ষে-বিপক্ষে সামাজিক যোগাযোগ মাধ্যমে নানা ধরনের বিতর্ক সৃষ্টিসহ প্রতিবাদ জানানো হয়েছে, এতে মৎস্য ও প্রাণিসম্পদ মন্ত্রণালয় এবং প্রাণিসম্পদ অধিদপ্তরের ভাবমূর্তি ক্ষুণ্ণ হয়েছে। তিনি পদায়নকৃত কর্মকর্তা ডাঃ এস.এম. উকিল উদ্দিন (গ্রেডেশন নং-১০৬৩), জেলা প্রাণিসম্পদ কর্মকর্তা, গাজীপুর এর বিষয়ে কোনরূপ প্রমাণক ছাড়াই সামাজিক যোগাযোগ মাধ্যমে বিভ্রান্তিমূলক ও বিতর্কমূলক তথ্য প্রদান করেছেন। একজন সরকারি কর্মকর্তা হয়েও প্রকাশ্যে সামাজিক যোগাযোগ মাধ্যমে সরকারি আদেশের সমালোচনা এবং উসকানিমূলক বক্তব্যে প্রদান করেন; তিনি গত ২৭/১০/২০২০ খ্রি: তারিখে সচিব, মৎস্য ও প্রাণিসম্পদ মন্ত্রণালয়ের অফিসকক্ষে উপস্থিত হয়ে সামাজিক যোগাযোগ মাধ্যম ফেইসবুক-এ তার ব্যক্তিগত একাউন্ট থেকে আবেগতাড়িত হয়ে এ ধরনের স্ট্যাটাস প্রদান করেছেন মর্মে লিখিত বক্তব্য প্রদান করেছেন এবং উক্ত কর্মকর্তার বিষয়ে প্রদত্ত স্ট্যাটাসের স্বপক্ষে তার নিকট কোন প্রমাণক নেই মর্মেও স্বীকার করেছেন। তিনি একজন বিসিএস ক্যাডারভুক্ত সরকারি কর্মকর্তা হিসেবে কর্তৃপক্ষের আদেশ সম্পর্কে সামাজিক যোগাযোগ মাধ্যমে অসন্তুষ্টি প্রকাশ করেছেন, যা অসংগত ও চাকুরি শৃঙ্খলার জন্য হানিকর আচরণ এবং তা বিভাগীয় শৃঙ্খলা ভঙ্গের শামিল। এ আচরণ সরকারি প্রতিষ্ঠানে সামাজিক যোগাযোগ মাধ্যম ব্যবহার নির্দেশিকা, ২০১৯ (পরিমার্জিত সংস্করণ)-এর নির্দেশিকা ৬.২ পরিপন্থী বিধায় সরকারি কর্মচারী (শৃঙ্খলা ও আপিল) বিধিমালা, ২০১৮ এর বিধি ৩(খ) অনুযায়ী 'অসদাচরণ' এর অভিযোগ আনয়ন করে গত ০৯/১১/২০২০ খ্রি: তারিখের ৩৩.০০.০০০০.১১৯.২৭.০১৩.২০-৩০৬ সংখ্যক স্মারকমূলে বিভাগীয় মামলা নং-০৮/২০২০ রুজু করা হয়;

যেহেতু, অভিযুক্ত কর্মকর্তা রুজুকৃত বিভাগীয় মামলায় আনীত অভিযোগের বিষয়ে লিখিত জবাব দাখিল করেন এবং প্রদত্ত জবাবে ব্যক্তিগত শুনানির জন্য আবেদন করায় গত ০৩/১২/২০২০ খ্রি: তারিখে তার ব্যক্তিগত শুনানি এবং লিখিত বক্তব্যও গ্রহণ করা হয়;

যেহেতু, অভিযুক্ত কর্মকর্তা ব্যক্তিগত শুনানিতে সন্তোষজনক জবাব প্রদানে ব্যর্থ হয়েছেন ও তার বিরুদ্ধে আনীত অভিযোগ সন্দেহাতীতভাবে প্রমাণিত হয়েছে এবং এজন্য তিনি দণ্ড পাওয়ার যোগ্য;

যেহেতু, অভিযুক্ত কর্মকর্তা ডাঃ নিতাই চন্দ্র দাস (গ্রেডেশন নং-১৩৫৯), উপজেলা প্রাণিসম্পদ কর্মকর্তা, অপরাধ স্বীকারপূর্বক ক্ষমা প্রার্থনা করেছেন;

সেহেতু, ডাঃ নিতাই চন্দ্র দাস (গ্রেডেশন নং-১৩৫৯), উপজেলা প্রাণিসম্পদ কর্মকর্তা, লীড, ডেপুটেশন এন্ড ট্রেনিং রিজার্ভ পদ, প্রাণিসম্পদ অধিদপ্তর, ঢাকা (বর্তমানে-সাময়িক বরখাস্তকৃত) সরকারি কর্মচারী (শৃঙ্খলা ও আপিল) বিধিমালা, ২০১৮ এর বিধি ৩(খ) অনুযায়ী আনীত "অসদাচরণ" এর অভিযোগ সন্দেহাতীতভাবে প্রমাণিত হওয়ায় এবং অভিযোগের গুরুত্ব ও প্রাসঙ্গিক সকল বিষয়াদি বিবেচনা করে সরকারি কর্মচারী (শৃঙ্খলা ও আপিল) বিধিমালা, ২০১৮ এর বিধি ৪(২)(ক) মোতাবেক তাকে লঘুদণ্ড হিসেবে 'তিরস্কার' দণ্ড প্রদান করা হলো। এ মন্ত্রণালয়ের গত ২৮/১০/২০২০ খ্রি: তারিখের ৩৩.০০.০০০০.১১৭.২৭.০০১.২০-৪৬৯ সংখ্যক প্রজ্ঞাপনে তার সাময়িক বরখাস্তের আদেশ এতদ্বারা প্রত্যাহার করে তাকে সরকারি চাকরিতে পুনঃযোগদানের আদেশ দেয়া হলো। বাংলাদেশ সার্ভিস রুলস, পার্ট-১ এর বিধি ৭২ (বি) মোতাবেক তার সাময়িক বরখাস্ত থাকাকালীন সময় অর্থাৎ সাময়িক বরখাস্তের আদেশের তারিখ হতে চাকরিতে যোগদানের পূর্বদিন পর্যন্ত সময় বিনা বেতনে অসাধারণ ছুটি হিসেবে গণ্য হবে; তিনি সাময়িক বরখাস্ত থাকাকালীন সময়ে প্রচলিত বিধি মোতাবেক গৃহীত খোরপোষ ভাতা ব্যতীত অন্য কোন বকেয়া ভাতাদি প্রাপ্য হবেন না এবং ভবিষ্যতে এ সংক্রান্ত কোন বকেয়া উত্তোলন বা দাবী করতে পারবেন না।

০২। এ আদেশ অবিলম্বে কার্যকর হবে।

রাষ্ট্রপতির আদেশক্রমে

স্বাঃ/-

তারিখ: ০৭/১২/২০২০ খ্রিঃ


(রওনক মাহমুদ)

সচিব

অপর পৃষ্ঠায় দৃষ্টব্য-

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলো (জ্যেষ্ঠতার ক্রমানুসারে নয়):

০১. মহাপরিচালক, প্রাণিসম্পদ অধিদপ্তর, কৃষি খামার সড়ক, ফার্মগেট, ঢাকা।
০২. উপপরিচালক, বাংলাদেশ ফরমস ও প্রকাশনা অফিস, তেজগাঁও, ঢাকা (পরবর্তী গেজেটে প্রকাশের অনুরোধসহ)।
০৩. মাননীয় মন্ত্রীর একান্ত সচিব, মৎস্য ও প্রাণিসম্পদ মন্ত্রণালয়, বাংলাদেশ সচিবালয়, ঢাকা।
০৪. ডাঃ নিতাই চন্দ্র দাস (প্রোডেশন নং-১৩৫৯), উপজেলা প্রাণিসম্পদ কর্মকর্তা, লীভ, ডেপুটেশন এন্ড ট্রেনিং রিজার্ভ পদ, প্রাণিসম্পদ অধিদপ্তর, ঢাকা (বর্তমানে-সাময়িক বরখাস্তকৃত)
০৫. উপসচিব (প্রাণিসম্পদ-১ অধিশাখা), মৎস্য ও প্রাণিসম্পদ মন্ত্রণালয়, বাংলাদেশ সচিবালয়, ঢাকা (সংশ্লিষ্ট কর্মকর্তার ব্যক্তিগত নথিতে তথ্যাদি সংরক্ষণের অনুরোধসহ)।
০৬. সচিবের একান্ত সচিব, মৎস্য ও প্রাণিসম্পদ মন্ত্রণালয়, বাংলাদেশ সচিবালয়, ঢাকা।
০৭. চিফ একাউন্টস এন্ড ফিন্যান্স অফিসার, মৎস্য ও প্রাণিসম্পদ মন্ত্রণালয়, হিসাব ভবন, সেগুনবাগিচা, ঢাকা।
০৯. সিস্টেম এনালিস্ট, আইসিটি সেল, মৎস্য ও প্রাণিসম্পদ মন্ত্রণালয়, বাংলাদেশ সচিবালয়, ঢাকা (ওয়েবসাইটে প্রকাশের অনুরোধসহ)।
০৮. ভারপ্রাপ্ত কর্মকর্তা, আইসিটি শাখা, প্রাণিসম্পদ অধিদপ্তর, কৃষি খামার সড়ক, ফার্মগেট, ঢাকা (সংশ্লিষ্ট কর্মকর্তার পিএমআইএস-এ তথ্য হালনাগাদকরণের অনুরোধসহ)।
০৯. হিসাব রক্ষণ কর্মকর্তা, প্রাণিসম্পদ অধিদপ্তর, ঢাকা।
১০. অতিরিক্ত সচিব (প্রাস-২) এর ব্যক্তিগত কর্মকর্তা, মৎস্য ও প্রাণিসম্পদ মন্ত্রণালয়, বাংলাদেশ সচিবালয়, ঢাকা।


০৭/১২/২০২০
(দিলওয়ারী আলো)
উপসচিব